

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

EUSKARA, KULTURA ETA KIROL SAILA

91/2018 Foru Agindua, martxoaren 9koa, dirulaguntzen deialdi publikoa onartzen duena, Arabako Lurralde Historikoko eta Trebiñuko Konderriko toki erakundeek sustaturik, arte ondasunak onik zaintzeko eta/edo zaharberritzeko esku-hartzeak bultzatzeko

Euskara, Kultura eta Kirol Sailak aurreikusi du 2018ko ekitaldian diruz babestea Arabako lurralde historikoko eta Trebiñuko Konderriko toki erakundeek historia eta arte ondasunak onik zaindu eta/edo zaharberritzeko esku hartzeak sustatzeko antolatzen dituzten ekimenak, hain zuzen, lege eta xedapen hauek xedatutakoaren arabera: 7/1990 Legea, Euskal Autonomia Erkidegoko kultura ondareari buruzkoa, 12/2002 Legea, uztailaren 11koa, Gaztela eta Leongo kultura ondareari buruzkoa, 8/2004 legea, abenduaren 22koa, 12/2002 Legea aldatzen duena, eta, betiere Diputatuen Konseiluaren urriaren 6ko 55/2012 Foru Dekretuak xedatutakoaren esparruan, zeinek Euskara, Kultura eta Kirol Sailak dirulaguntzak esleitzeko oinarri orokorrak onartu baitzituen.

Horretarako, nahitaezkoa da kultura ekimenak arautzeko berariazko esparrua ezartzea, sailak dirulaguntza aproposak ematea erabaki dezan.

Aginduzko txostenak ikusi dira.

Horregatik, dagozkidan ahalmenak erabiliz, honako hau

XEDATZEN DUT

Lehenengoa. Arabako Lurralde Historikoko eta Trebiñuko Konderriko toki erakundeek sustatutako arte ondasunen babeserako eta/edo zaharberritzerako esku hartzeak garatzeko 2018ko ekitaldiko dirulaguntzen deialdi publikoa onartzea. Deialdiak, gehienez ere, 60.000 euro egiten du. Hori dena, 2015eko urriaren 21eko ALHAOn (123. zenbakia) argitaratu zen Diputatuen Kontseiluaren urriaren 6ko 55/2015 Foru Dekretuan xedatutakoaren arabera arautuko da, zeinek, hain zuzen, Euskara, Kultura eta Kirol Sailaren eskumen esparruan lehiaketa bidez emango diren dirulaguntzei aplikatuko zaizkien oinarri arautzaile orokorrak onartu baitzituen.

Bigarrena. Gastu hau Arabako Foru Aldundiaren 2018ko gastuen aurrekontuko 70.1.07.78.00.481.00.05 partidaren kontura ordainduko da (xedapen erreferentzia: 105.882).

Hirugarrena. Zaharberrikuntza Zerbitzuaren proposamena aztertu ondoren emango du organo eskudunak bidezko ebazpena; horretarako hiru hilabete izango ditu, deialdia ALHAOn argitaratzen denetik aurrera. Gehienezko epea igarota esanbidezko ebazpenik ez bada egon, esan nahiko du eskaera ezetsi egin dela.

Laugarrena. Ebazpen honek administrazio bidea amaitzen du. Dena dela, urriaren 1eko 39/2015 Legeak, administrazio publikoen administrazio prozedura erkidearenak, 123. artikuluan xedatzen duenaren arabera, aukerako berraztertze errekurtsoa jar daiteke Euskara, Kultura eta Kirol Saileko foru diputatuaren aurrean, hilabeteko epean; bestela, egintza hau jakinarazi eta hurrengo egunetik aurrera, zuzenean aurkaratu daiteke administrazioarekiko auzien jurisdikzioan bi hilabeteko epean, administrazioarekiko auzietarako epaitegi egokian, uztailaren 13ko 29/1998 Legeak, administrazioarekiko auzien jurisdikzioa arautzen duenak, 46.1 artikuluan ezarritakoaren arabera.

Bosgarrena. Laguntza eman edo ukatzen duen ebazpenaren berri emango zaie eskatzaileei, urriaren 1eko 39/2015 Legeak, administrazio publikoen administrazio prozedura erkidearenak, 42. eta 43. artikuluetan aurreikusten dituen moduetan.

Seigarrena. Deialdi hau ALHAOn argitaratzea.

Vitoria-Gasteiz, 2018ko martxoaren 9a

Euskara, Kultura eta Kirol Saileko foru diputatua
IGONE MARTÍNEZ DE LUNA UNANUE

Eranskina

Dirulaguntzetarako deialdia, Arabako Lurralde Historikoko eta Trebiñuko Konderriko historia eta arte ondasunak onik zaindu eta/edo zaharberritzeko esku hartzeetarako

Lehenengoa. Deialdiaren xedea

Deialdiaren xedea da Arabako Lurralde Historikoko eta Trebiñuko Konderriko toki erakundeek sustatutako historia eta arte ondasunen babeserako eta/edo zaharberritzerako esku hartzeetarako dirulaguntzak ematea lehia bidez, 2018 ekitaldirako. Arau eta xedapen hauen arabera esleituko dira: 7/1990 Legea, EAeko Kultura Ondarearena, 12/2002 Legea, uztailaren 11koa, Gaztela eta Leongo Kultura Ondarearena, 8/2004 Legea, abenduaren 22koa, 12/2002 Legea aldatzekoa; eta, betiere, Diputatuen Kontseiluaren 55/2015 Foru Dekretuak xedatutakoaren esparruan, hain zuzen, Euskara, Kultura eta Kirol Sailak dirulaguntzak ematea arautzen duten oinarri orokorrak onartu baitzituen.

Bigarrena. Aurrekontuei egoztea

Dirulaguntzen zenbateko osoa ezin da izan inolaz ere horretarako izendatutakoa baino gehiago, alegia, 60.000,00 euro, Arabako Foru Aldundiaren 2018rako gastu aurrekontuetako "ondasun higigarriak zaharberritzeko dirulaguntza" izeneko 70.2.03.75.03.752.90.01 aurrekontu partidari egoztekoak.

Esleitu beharreko dirulaguntza zenbateko bakoitza izango da zazpigaren oinarrian horretarako ezarritako ehunekoak aplikatuz atzeratzen dena, eta, betiere, ez da izango inolaz ere eskaera bakoitzeko 40.000 euroko zenbatekoa. Euskara, Kultura eta Kirol Sailaren ekarpena ezingo da izan guztirako kostuaren ehuneko 80 baino gehiago, behin inbertsioak egindakoan.

Arabako Foru Aldundiak, konplexutasun tekniko berezia zein historia balioa dela-eta, gomen-dagarria denean, kasuan kasuko proiektuak idatzi ahal izango ditu bere zerbitzu teknikoaren bidez.

Hirugarrena. Erakunde onuradunak eta betebeharrak

1. Arabako Lurralde Historikoko eta Trebiñuko Konderriko udalak, kuadrillak eta bestelako toki erakundeak izan daitezke erakunde onuradunak. Horretarako, diruz laguntzeko diren ekintzen sustatzaile moduan jardun behar dute.

Deialditik kanpo geratzen dira Diputatuen Kontseiluaren urriaren 6ko 55/2015 Foru Dekretuaren hirugarren klausulan sartzeko diren erakundeak (Diputatuen Kontseiluaren 55/2015 Foru Dekretua, urriaren 6koa, zeinaren bidez onartu baitziren Euskara, Kultura eta Kirol Sailaren dirulaguntzak norgehiagoka bidez esleitzeko oinarri arautzaile orokorrak).

2. Onik zaintzeko eta zaharberritzerako esku hartzeen kasuan, dirulaguntzaren xede diren arte ondasun horien titular izan beharko da edo, bestela, horiek erabiltzeko eskubidea izan (kontratua, hitzarmena, usufuktua, etab.), hamar urtez gutxienez deialdia ALHAOn argitaratzen denetik aurrera.

Laugarrena. Diruz lagundu daitezkeen inbertsioak

Hauetarako eman ahal izango da dirulaguntza:

1. Historia eta arte ondasunak onik zaintzeko eta/edo zaharberritzerako esku hartzeak, kategoria horretan sartzen direlarik ondasun higiezinak eta arkitekturari lotutako arte elementuak, bai eta bibliografia eta dokumentuzko ondarea ere, baldin eta Arabako Foru Aldundiaren Zaharberritze zerbitzuak ezarritako esku hartze jarraibide eta irizpideei jarraituz egindako proiektu eta proposamen baten arabera egiten badira.

Aintzat hartuko da, historia eta arte ondasun horiei buruz, hau ere:

a) Monumentu izendatuak, kalifikatuak edo inbentariatuak izatea, Euskal Autonomia Erkidegoko Kultur Ondarearen Legearen arabera (7/1990 Legea), Gaztela eta Leongo kultura ondarearen Legearen arabera (12/2002 Legea, uztailaren 11koa), eta 8/2004 Legearen arabera (abenduarien 22koa, 12/2002 Legea aldatzen duena).

b) Edo katalogatzeko proposamenen batean, garrantziko arkitektura multzoren batean edo Arabako Foru Aldundiak, Eusko Jaurlaritzak edo Gaztela eta Leongo Juntak egindako inbentarioren batean jasoak egotea.

c) Edo Gasteizko Elizbarrutiko Monumentuen Katalogoan jasoak egotea.

Ez dira inola ere diruz lagunduko "auzolan" bidez egiten diren lanak.

Urriaren 19ko 11/2016 Foru Arauak, Arabako lurralde historikoko dirulaguntzenak, 29.3 artikuluan xedatutakoa betez, diruz laguntzeko den gastuaren zenbatekoak gainditzen baldin baditu Sektore Publikoko Kontratuei buruzko Legean (3/2011 Legegintzako Errege Dekretua, azaroaren 14koa, Sektore Publikoko Kontratuen Legearen Testu Bateratua onartu zuena) kontratu txikietarako ezarritako zenbatekoak (50.000 euro, obra gauzatzeko kostuaren kasuan, edo 18.000 euro, ekipo ondasunak hornitzeko edo aholkularitza edo laguntza teknikoko enpresek zerbitzua emateko kasuan), erakunde onuradunak eskaintza bana eskatu beharko die gutxienez hiru enpresei, zerbitzua emateko edo ondasuna entregatzeko konpromisoa kontratatu baino lehenago, salbu eta, diruz laguntzeko diren gastuen ezaugarri bereziengatik, merkatuan haiek egin, eman edo hornitzen dituen nahiko erakunde ez dagoenean edo gastua dirulaguntza eman baino lehenago egin denean.

Aurkeztutako hiru eskaintzak dirulaguntzaren frogagiritan edo, hala badagokio, dirulaguntza eskaeran azaldu beharko dira. Horien artean aukeratzea eraginkortasun eta ekonomia irizpideei jarraituz egingo da eta, aukeratutako enpresa-eskaintza diru aldetik hoberena ez denean, egindako aukera berariaz arrazoitu beharko da memoria batean.

Bosgarrena. Eskaerak aurkeztea

Euskara, Kultura eta Kirol Saileko foru diputatuari zuzenduta joan beharko dira, eranskinean argitaratzen den ereduaren arabera, eta, haiekin batera, dokumentu hauek aurkeztu beharko dira:

a) Administrazio agiriak:

1. Erakundearen organo eskudunak laguntza programatuak eskatzeko hartutako erabakiaren ziurtagiria.

b) Dokumentazio espezifikoak:

1. Esku hartzearen xedea azaltzen duen agiria. Bertan, honako hauek agertuko dira:

1.1) Eskatutako dirulaguntzaren xede den arte ondasunaren deskribapena, baita haren erabilera eta funtzioak ere, edukiz gero.

1.2) Arte ondasunaren eguneratutako agiri grafikoak eta/edo fotografikoak eta kokapena.

1.3) Proposatutako esku hartzearen proiektu tekniko eta aurrekontu zehatza. Zaharberrikuntza Zerbitzuak adierazitako irizpideei jarraituz egin beharko da proiektua. Proposamenak langileen eta horien titulazioari buruzko informazioa ere ekarri beharko du.

1.4) Arte ondasunaren onik zaintze-zaharberritze lanetan parte hartuko duten pertsonen titulazioa. Zuzenean esku hartuko duten pertsonak kultura ondasunak onik zaintze eta zaharberritzearen arloko titulu ofizial homologatua eduki beharko dute.

1.5) Non esku hartuko den historia eta arte ondasunean (lekuaren deskribapena). Ondasuna aipatu zerbitzuko instalazioetara eramanez ahal izango da, Zaharberrikuntza Zerbitzuak beharrezkotzat jotzen badu edo arrazoi teknikoak direla-eta eskatzen badu.

1.6) Lanak egiteko ustez beharko den denbora Kontuan hartuz dirulaguntzaren xede den kultur ondasuna entregatzeko epea 2018ko azaroaren 23an amaituko dela.

2. Kultura ondasuntzat kalifikatua edo katalogatua delako akreditazioa.

3. Lanen bideragarritasunari buruzko azterlan ekonomikoa eta finantzaketa plana. Horren barruan, honako hauek sartuta joango dira: erakundearen idazki bat, zeinean konpromisoa hartzen duen eskatutako dirulaguntzarekin aurrekontuaren guztirako zenbatekoa osatzeko behar den dirua jartzeko; eta ziurtapena, adierazten duena dirulaguntzarik edo bestelako laguntzarik eskatu edo lortu denetz (baiezkoan, zenbatekoa adieraziz) beste administrazio edo erakunde batzuetatik, helburu bererako.

4. Arte eta historia ondasunaren jabetza egiaztatzeko agiria edo hura gutxienez hamar urtez erabiltzeko eskubidea egiaztatzen duena, ALHAOn deialdia argitaratzen den datatik aurrera zenbatzen hasita. Azken kasu horretan, dirulaguntzaren xede diren lanak egiteko jabearen baimena jasotzen duen agiria ere aurkeztu beharko da.

Eskaerak ez badituzte betetzen adierazitako baldintzak, Euskara, Kultura eta Kirol Sailak hamar egun emango ditu akatsak zuzendu edo behar diren agiriak aurkezteko. Hala egin ezean, eskaera artxibatu egingo da eta eskaera bertan behera geratuko da.

Seigarrena. Aurkezteko epea

Eskaerak aurkezteko hogeita hamar eguneko epea egongo da deialdi hau ALHAOn argitaratu eta hurrengo egunetik aurrera kontatuta.

Zazpigarrena. Prozedura bideratzea eta balorazio irizpideak

Arabako Foru Aldundiko Euskara, Kultura eta Kirol Saileko Zaharberrikuntza Zerbitzuak izango du prozedura izapidetzeko eskumena.

Diruz laguntzeko moduko aurrekontuak: Zaharberrikuntza Zerbitzuak aztertu eta xehakatu ditu eskaeretan aurkeztutako aurrekontuak, diruz laguntzeko moduko aurrekontua den erabakitzeke, zeinak deialdiaren helburuarekin bat datozen jarduketei zuzenean bideratutako lanen atalak jasoko baititu. Esku hartzeari dagokionez, diruz lagun daitekeen aurrekontuaren guztizkoaren kontzeptuak beste azterlan osagarriak barne hartu ahal izango ditu, esaterako, historia azterlanak, analitikoak, erradiografiak, erreflektografia, infragorriak, etab. eta Zaharberrikuntza Zerbitzuak egokiak edo beharrezkoak diren baloratuko du. Halaber, partida ez egokiak baztertu edo, hala badagokio, murriztu ahal izango dira, baita gainbaloratutako neurketak edo aurrekontuak ere.

Esku hartze lanak fase bakarrean edo bitan programatu ahal izango dira, eta horretarako, laguntzei egokitutako bi urteko (hala badagokio) plangintza ezarriko da. Plangintza horretan, diruz lagun daitezkeen aurrekontuak ezarriko dira bideragarritasun teknikoaren, esku hartze teknikoak dituen ezaugarrien eta epearen arabera; gainera, obrak gauzatzeko baldintzak ezarriko dira, adibidez, teknikak eta materialak aldatu ahal izatea edo bateragarri izatea. Hori guztia egingo da aurrekonturik badago, jakina.

Aparteko kasuetan, eta proposatutako esku hartzearen berezitasungatik eta Zaharberrikuntza Zerbitzuaren aurretiko azterlanagatik, fase gehigarri bat eman ahal izango da.

Diruz lagundutako jarduketa guztiek Arabako Foru Aldundiaren aholkularitza jarraituak eskatzen duen zorroztasun metodologikoa eta espezializazio maila izango dute. Aldundiak babes, hobekuntza eta zaharberritze arloko eskumena dauka, 7/1990 Legearen, EAEko kultura ondarearenaren, uztailaren 11ko 12/2002 Legearen, Gaztela eta Leongo ondarearenaren, eta 12/2002 Legea aldatzen duen abenduaren 22ko 8/2004 Legearen arabera.

Esku hartzearen garapena urte askotarako planifika daitekeenean, faseak banan-banan justifikatu behar dira, deialdiari egokিতuta, betearazpena batera edo zatika eginda ere.

Proposatutako esku-hartzeen balorazioa ondoko irizpideak kontuan izanda egingo da:

- a) Esku hartzearen premia.....35 puntu.
- b) Balio historiko eta artistikoa.....30 puntu.

Kontuan hartuko da monumentu kalifikatu edo inbentariatuaren deklarazioa, udal edo sektore planeamenduaren babes katalogoetara sartu izana, Arabako Foru Aldundiaren, Eusko Jaurlaritzaren edo Gaztela eta Leongo Juntaren katalogazio proposamenen batean bildu izana, garrantzizko arkitektura multzo batekoa izatea edo ondasuna Arabako Foru Aldundiak edo Gaztela eta Leongo Juntak edo Gasteizko Apezpikutegiak egindako inbentarioren eta/edo katalogoren batean bildu izana.

- c) Kultura esanahia eta interesa.....15 puntu.

Dirulaguntzaren xede den arte ondasuna leku publikoan eta jendeak ikus dezakeen lekuan egotea kontuan hartuko da.

- d) Aurkeztutako proiektuaren edo memoria teknikoaren kalitatea..20 puntu.

Hauek baloratuko dira: agiri teknikoaren kalitatea, proiektua edo memoria proposatutako esku hartzeari egokitzen zaion, metodologia, ezaugarri tekniko eta material egokiak, hau da, ea proposatutako zaharberritzea kultura ondarearen balio eguneraketari egokitzen zaion, aplikatu beharreko araudiek ezarritako irizpideekin eta Arabako Foru Aldundiko Zaharberrikuntza Zerbitzuak zaharberritzeko emandako gidalerroekin eta irizpideekin bat etorritik.

Jarduketa bakoitzean, aurreko irizpideetako puntuazioak batuko dira, eta batura horren emaitza hartuko da kontuan. Horrela lortutako kopuruari zuzenean proportzionala den ehunekoa esleituko zaio, eta eman ahal den gehieneko dirulaguntza, hots, ehuneko 80, emaitzarik onenari emango zaio (90-100). Goitik beherako hurrenkeran, kasu bakoitzean proportzionaliki aplikatzen dira ehunekoak, era honetan:

91 - 100	ehuneko 80
81 - 90	ehuneko 72
71 - 80	ehuneko 68
61 - 70	ehuneko 64
50-60	ehuneko 60

Hala lortutako ehunekoa kasu bakoitzean diruz lagun daitekeen aurrekontuari aplikatuko zaio. Horrela kalkulatu da "proposatutako dirulaguntza" hau da, jardun bakoitzari dagokion laguntza teorikoa. Behin ezarritako balorazioa eginda sortuko den lehentasun-ordenari jarraituz egingo da, balorazio onena duten eskaerei lehentasuna emanez laguntza horien deialdiko zenbateko globala osatu arte.

Berdinketa gertatuz gero, lehentasuna emango zaio d), a), b) eta c) idatz zatietan puntuaziorik handiena lortu duenari, hurrenez hurren, aurrekontuko esleipena agortu arte.

Gehikuntza horiek beharrezkoak ez badira, gerakinak deialdian kontuan hartu ez den hurrengo eskabidera bideratu ahal izango dira, lehiaketa araubidearen proposamenean lortutako hurrenkeraren arabera eta, betiere, ekonomia aldetik bideragarria bada.

Zortzigarrena. Ebazpena

1. Eskaerak balioespen batzordeak aztertuko ditu. Balioespen batzorde horren lehendakaria Euskara, Kultura eta Kirol zuzendaria izango da eta honako hauek mahaikide: Zaharberrikuntza Zerbitzuko burua eta zerbitzu horri atxikitako teknikari bat. Euskara, Kultura eta Kirol Saileko Idazkaritza Teknikoaren buruak jardungo du idazkari, eta horrek hitza izango du, ez, ordea, botorik.

Euskara, Kultura eta Kirol Sailak, egoki iruditzen zaion kasuetan, datuak edo argibideak eskatu ahal izango ditu aurkeztu diren agiriei buruz; eta, eskaera horiei ez bazaie erantzunik ematen urriaren 1eko 39/2015 Legeak, administrazio publikoen administrazio prozedura erkidearenak, aurreikusitako epeen barruan, gerta liteke espedientea atzeratzea, eta are artxibatzea ere.

Balorazio batzordeak akta egingo du, aurkeztutako eskaerak deialdian ezarritako irizpideen arabera erkatu ondoren, eta bertan, egindako ebaluazioaren emaitza eta eskaeren lehentasun zerrenda zehaztuko da, hala badagokio.

2. Eskatzaileei ez zaie entzunaldirik eskainiko, zeren eta, ebazpena ematean, erakunde eskatzaileek aurkeztutako gertaerak eta agiriak baino ez dira aintzat hartuko.

3. Zaharberrikuntza Zerbitzuak proposatuta, organo eskudunak bidezko ebazpena emango du deialdia ALHAOn argitaratzen denetik hiru hilabete pasatu baino lehen. Gehienezko epea igarota esanbidezko ebazpenik ez bada egon, eskaerari ezezkoa eman zaiola ulertuko dute erakunde interesdunek.

4. Dirulaguntza emateko ebazpenean aipatu beharko da zein entitateri ematen zaion dirulaguntza eta gainerako eskaeren ezespen espresa.

5. Dirulaguntza eskaerari baiezkkoa eman bazaio, ebazpenean datu hauek agertu beharko dira: dirulaguntzaren zenbatekoa, ordaintzeko modua, laguntzaren xede den programa edo jarduera, aurkeztu beharreko agiriak eta dirulaguntza zer baldintzatan ematen den. Gainera, ebazpenaren berri emango zaie onuradunei, urriaren 1eko 39/2015 Legeak, administrazio publikoen administrazio prozedura erkidearenak, 42. eta 43. artikuluetan xedatutakoarekin bat etorritz.

6. Dirulaguntza eman edo ukatzen duen ebazpenaren berri emango zaie eskatzaileei, urriaren 1eko 39/2015 Legeak, administrazio publikoen administrazio prozedura erkidearenak, 42. eta 43. artikuluetan aurreikusten dituen moduetan.

7. Ebazpenak amaiera emango dio administrazio bideari eta haren aurka, uztailaren 13ko 29/1998 Legearen, administrazioarekiko auzietarako jurisdikzioa arautzen duenaren, 46.1 artikuluan xedatutakoari jarraituz, administrazioarekiko auzi errekurtsua aurkeztu ahal izango da administrazioarekiko auzietarako epaitegi egokian. Horretarako, bi hilabeteko epea egongo da, ebazpena jakinarazi eta hurrengo egunetik aurrera.

Zuzenean aurka egin ezean, nahi izanez gero errekurtsua aurkeztu ahal izango zaio ebazpena eman duen organoari, hilabeteko epean, hura jakinarazi eta hurrengo egunetik aurrera, urriaren 1eko 39/2015 Legeak, administrazio publikoen administrazio prozedura erkidearenak, 123. artikuluan xedatutakoarekin bat etorritz.

Bederatzigarrena. Emandako dirulaguntzak ordaintzea eta justifikatzea

1. Gastuak zuzen zerrendatu eta justifikatutakoan ordainduko da dirulaguntza.

2. Esku hartzeari ekitea premiazkoa izateagatik harekin nahitaez hasi behar denean, eta Zaharberrikuntza Zerbitzuaren buruak txostena egin ondoren, emandako dirulaguntzaren ehuneko 40, gehienez, alde zuzenetik edo kontura ordaindu ahal izango da, foru araudian ezarritakoari jarraiki.

3. Aurrerakina, dirulaguntza emateko ebazpenak hala adierazten badu, ebazpena eman den egunetik aurrera ordainduko da.

Gainerakoa, berriz, egindako gastuak, behar bezala zerrendaturik, zuritu ondoren, dena batera ordainduko da aurreko paragrafoan aipatutako "aurrerakina" kenduz. Guztirako gastuak justifikatzeko agiriak 2018ko abenduaren 30a baino lehen aurkeztu beharko dira. Dirulaguntzen justifikazioa, betiere, Diputatuen Kontseiluaren urriaren 6ko 55/2015 Foru Dekretuaren hamargarren klausulan ezarritakoaren konforme egin beharko da (Diputatuen Kontseiluaren urriaren 6ko 55/2015 Foru Dekretua; horren bidez onartu baitziren Euskara, Kultura eta Kirol Sailaren dirulaguntzak norgehiagoka bidez esleitzeko oinarri arautzaile orokorrak).

3. Dirulaguntzen onuradun diren erakundeek honako agiri hauek aurkeztu beharko dituzte 2018ko abenduaren 30a baino lehen:

4.1. Diruz lagundutako inbertsioa edo inbertsioak egiteagatik eragindako gastuen justifikazioa, behar bezala zerrendatuta, hau da, dirulaguntza kalkulatzeko oinarritzat hartutako gastu aurrekontuaren zenbateko osoa adina diruz lagundutako gastuen justifikazioa, sortutako gastuen faktura edo gastua justifikatzeko beste agiri batzuk, jatorrizkoak, aurkeztuta. Aitzitik, 500,00 euro baino gehiagoko fakturak aurkeztuz gero, ordaindu egin direla egiaztatu beharko da.

Gastuak justifikatzeko ez da onartuko honako datu hauek argi eta garbi azaltzen ez dituen fakturarik ez ordainagiririk:

- Jaulkitzailea, beraren izena edo sozietatearen izena eta NANA edo IFZ.
- Hartzailea, beraren izena edo sozietatearen izena eta NANA edo IFZ.
- Gastuaren xedea.
- Data.
- Fakturaren zenbakia.

Halaber, ez dira onartuko justifikazio gastu gisa PFEZaren konturako atxikipenen gaineko zerga araudia betetzen ez duten fakturak edo ordainagiriak.(PFEZa edo Pertsona Fisikoen Errentaren gaineko Zerga).

Aurreko paragrafoetan aipatu diren aurkeztu beharreko agiri guztiak jatorrizkoak izan behar dute, edo bestela fotokopia konpultsatuak. Ezin izango da aurkeztu beste batzuekin batera finantzatutako programa edo jardueren gastuen fotokopia konpultsatua. Horrelakoetan, ezinbestekoa izango da jatorrizko gastu agiriak zigilatuta aurkeztea. Jatorrizko fakturekin egiaztatu beharreko gastuei zigilua ezarriko die Zaharberrikuntza Zerbitzuak, adieraziz zein den dirulaguntzak eragiten dion zenbateko zehatza, eta, ondoren, jatorrizko agirien kopiak konpultsatuko dira.

Fakturak ordaindu direla frogatzeko, agiri hauek onartuko dira:

- Bankuko jatorrizko ziurtagiria. Bertan ageriko dira, gutxienez, zenbatekoa, data eta ordainketaren edo transferentziaren onuraduna. Ziurtagiri hori izenpetuta aurkeztuko da, eta/edo bankuaren zigilua daukala.
- Fakturaren jaulkitzaileak sinatutako eta/edo zigilatutako ziurtagiria; bertan agertuko dira faktura zenbakia, zenbatekoa eta ordainketa data.
- Posta arruntez jasotako banku laburpenak, jatorrizkoak.
- Kontu korronteen libreten kopia konpultsatua, mugimenduak ageri dituena.
- Posta elektronikoz jasotako banku laburpenak edo transferentzia agindu telematikoak, ordainketa edo transferentzia egin duen bankuaren zigiluarekin.
- Erosketaren jatorrizko tiketak edo fotokopia konpultsatuak, zenbatekoa ordaindu dela egiaztatzen dutenak (merkataritza gune eta autobideetakoak, bidaia txartelak eta abar), edo jatorrizko fakturak edo fotokopia konpultsatuak, enpresa jaulkitzaileak jarritako zigiluarekin, adieraziz ordainduta daudela.

Ez da onartuko eskudirutan ordaintzea 2018rako indarreko araudian ezartzen den zenbatekoa edo hortik gorakoa (edo horren kontrabalioa atzerriko dirutan).

Aurreko paragrafoan adierazitako zenbatekoa kalkulatzeko, eta ondasunak entregatzea edo zerbitzuak ematea zatika egin bada, batu egingo dira egindako eragiketa edo ordainketa guztien zenbatekoak.

Dirulaguntza kalkulatzeko oinarri hartu den gastuen aurrekontu osoa ez bada justifikatzen, dirulaguntza jaitsi egingo da gastu txikienaren proportzioan.

4.2. Diruz lagundutako inbertsioaren edo inbertsioen diru sarrera eta gastuen balantzea.

4.3. Dirulaguntzei buruzko Lege Orokorraren 31.1 artikulua aplikatuz, onuradunak eskatu izan behar dituen hiru aurrekontuak.

Dirulaguntzak justifikatzean baliabide elektronikoen, informatikoen eta telematikoen erabilera arautzen duen uztailaren 17ko EHA/2261/2007 Aginduan xedatutakoarekin bat etorritik, justifikatzeko modu gisa erabili ahal izango dira faktura elektronikoak.

Halaber, Faktura elektronikoak aurkeztuz gero, Factura-e eta EFactur-en estandarretara egokitu beharko da haien formatua. Sinadura elektronikoa duen beste edozein agiri aurkeztekotan, 11/2007 Legeak, urtarrilaren 8ko 4/2010 Errege Dekretuarekin, administrazio elektronikoen esparruan elkarrengarritasun eskema nazionala arautzen duenarekin, bat etorritik, xedatutako @firma plataformaren bidez egindako ziurtagiriak onartuko dira (http://www.dnielectronico.es/seccion_aapp/rel_autoridades.html).

Adierazitako epea igaro eta lehen aipatutako agiriak aurkeztu ez badira, ordainketa kredituak baliogabetu egingo dira, eta "konturako ordainketa" gisa jasotako dirua itzultzeko espedienteari hasiera emango zaio.

Lanen amaiera atzeratzen baldin bada, erakunde onuradunak Euskara, Kultura eta Kirol Sailari eskatu beharko dio ezarritako epea luzatzeko, betiere egiaztagiriak aurkezteko epea bukatu baino lehen; eta hala badagokio, lanak zergatik atzeratu diren justifikatu beharko du.

Dirulaguntza lortzeko aurkeztutako gastuen ordainketa egiaztatu ezean, justifikatu beharreko diru aurrerakin gisa ordainduko da dirulaguntza.

2019ko urriaren 23an aurkeztuko dira, beranduenik, dirulaguntza justifikatzen duten gastuak ordaindu direla egiaztatzen duten agiriak.

Hamargarrena. Dirulaguntzen bateraezintasuna

Deialdi honetan emandako dirulaguntzak, alde batera utzita dirulaguntzak emateko oinarri arautzaile orokorrek xedatutakoa, bateragarri izango dira Arabako Foru Aldundiaren beraren beste sail batzuetatik edo horiei eratzikitako organismoetatik jasotako beste edozein dirulaguntza edo laguntzarekin, baldin eta aldeetakoren batek desadostasuna adierazten ez badu eta esku-hartzearen irizpide teknikoak Zaharberrikuntza Zerbitzuak finkatutakoak badira.

Dirulaguntzaren zenbatekoa ezingo da izan, inola ere, erakunde onuradunak garatu beharreko inbertsioaren kostua baino gehiago, beste laguntza batzuekin zein herri administrazio batzuek edo nazioarteko zein nazioarteko erakunde pribatu batzuek emandako laguntzekin edo bestelako diru sarrerekin batera.

Hamaikagarrena. Eginbehar osagarriak

1. Zaharberrikuntza Zerbitzuak egingo du dirulaguntza jaso duten jarduketan jarraipena, eta berak egiaztatuko du ea egokitzen zaizkien beren beregi onartutako proiektuetan, Arabako Foru Aldundiak baimendutako eta diruz lagundutako negozio juridikoetan eta esleipena egiteko onartu zen ebazpenean jasotako xedapenei.

2. Laguntzen esleipendun diren erakundeek Zaharberrikuntza Zerbitzuari jakinarazi beharko diote proiektua edo, hala badagokio, lanak esleitzeko erabakia, ikuska ditzan.

3. Horrez gain, historia eta arkitektura ondarearen defentsa edota azterketarekin lotutako organismo, erakunde edo elkarte publikoei sartzan uzteko beharra onartuko du, eta, baita ere, Arabako Foru Aldundiak halaxe erabakitzen duenean, jende guztiari bertara sartzan uztea, kultur eta arte esangura berezia kontuan izanda, horretarako ezarritako moduan.

4. Egindako zaharberritzea eta proiektuak hedatu eta sustatzeko, Arabako Foru Aldundiak deialdi honen xede izan diren diruz lagundutako arte ondasunen irudia eta ikus-entzunezko agiriak eta agiri idatziak erabili ahal izango ditu.

5. Dirulaguntzen onuradunek argi eta garbi adierazi beharko dute egitarauetan Arabako Foru Aldundiko Euskara, Kultura eta Kirol Sailaren laguntza dutela, iragartzeko karteletan, argazkietan nahiz diruz lagundutako proiektua dela eta argitaratzen diren gainerako material grafiko, idatzi zein entzunezkoetan. Horretarako, Euskal Autonomia Erkidegoko bi hizkuntza ofizialak erabili beharko dira.

6. Arabako Foru Aldundiak diruz lagundutako arte eta historia ondasunen lagapena eskatu ahal izango du, aldi baterako erakusgai jartzeko ezin hobeki egokitutako lekuetan eta horretarako egokiak diren lekuetan, zaintza, segurtasun eta kontserbaziorako neurri egokiak jarrita, eta esku hartutako arte eta historia ondasunen mailegurako beste organismo, erakunde eta partikularren eskaerak ebatziko ditu.

7. Era berean, erakunde onuraduna behartuta dago honako hauek betetzera:

a) Obrak behar bezala gauzatzeko egin beharrekoak; hori dela eta, obren sustatzailea dela iritziko zaio.

b) Historia eta arkitektura ondarea defendatzeko eta kontrolatzeko organo eskudunak esku hartzeari buruzko txostena eman beharko du lanei ekin aurretik, kasuan kasuko proiektuak, memoria teknikoak edo behin betiko aurrekontuak lantzeko emandako zehaztapenei zorroztz jarraituta.

c) Zaharberrikuntza Zerbitzuaren bitartez, Arabako Foru Aldundiaren Euskara, Kultura eta Kirol Sailari jakinaraztea lanak gauzatu bitartean gerta daitekeen edozein inguruabar interesgarri. Hori dela eta, hasierako proiektua aldatzen bada, Arabako Foru Aldundiko Euskara, Kultura eta Kirol Sailak berariazko baimena eman beharko du lanekin jarraitzeko.

d) Arte eta historia ondasuna segurtasun, osasun eta apaindura egoera egokian zaintzeko konpromisoa hartu behar da.

e) Zaharberrikuntza Zerbitzuari jakinaraztea diruz lagundutako arte eta historia ondasunen kokapenaren, beste organismo eta/edo erakunde batera lekualdatzearen eta/edo maileguaren inguruko edozein aldaketaren berri .

8. Arabako Foru Aldundiak egin nahi diren jarduketan ezaugarriei ñabardurak eransteke baldintzak ezarri ahal izango ditu, behartzeko indarrarekikoak, eta erakunde onuradunak, dago-kion dirulaguntza jasotzeko orduan, hitz emango du baldintzak horiek onartuko dituela.

9. Dekretu honen babespeko esku hartze bat gauzatzen ez bada, behar bezala justifikatu gabe zergatik gauzatu ez den, hurrengo dirulaguntza deialdian ezin parte hartzeko penalizazioa ezarri ahal izango da.

Hamabigarrena. Kontserbazio-zaharberritze lanen zuzendaritza fakultatiboa

1. Dirulaguntzari lotutako kontserbazio-zaharberritze lanen zuzendaritza fakultatiboaz Zaharberrikuntza Zerbitzuko langileak arduratuko dira.

2. Zuzendaritza fakultatiboak kontratatutako enpresari exigituko dio egikaritze materialaz arduratuko den pertsona bat behintzat izenda dezan. Pertsona horrek kultura ondasunen kontserbazio eta zaharberritze arloko titulu homologatua eduki beharko du.

3. Proiektua egiteko kontratatutako enpresak segurtasunaren eta osasunaren koordinazioa gain hartuko du.

4. Arte ondasunaren kontserbazio eta zaharberritze lanak esleitu zaizkien langile teknikoak Zaharberrikuntza Zerbitzuak ezarritako zaharberritze irizpideen aplikazioaz arduratuko dira.

Hamahirugarrena. Arte eta historia ondasunak eskualdatzea

Erakunde onuradunak, edozein arrazoi dela-eta, erabakitzen badu diruz lagundutako arte eta historia ondasuna saltzea, Arabako Foru Aldundiari eskainiko dio lehenbizi, erabaki dezan erosi ala ez.

Arabako Foru Aldundiak eskuratzea erabakitzen badu, tasazio prezioetik emandako laguntza-ren zenbatekoa kenduko da, baita zaharberritzearen zioz arte eta historia ondasunak eskuratu ahal izango duen gainbalioaren zati bat ere. Zati hori Arabako Foru Aldundiak emandako diru-laguntza-ren proportzionala izango da.


Arabako Foru Aldundiak arte eta historia ondasuna eskuratu nahi ez badu, berriz, erakunde onuradunak arte ondasuna zaharberritzeko emandako laguntza ordainduko dio, baita aurrerago aipatutako gainbalioaren zati bat ere.

Hamalagarrena. Interpretazioa

Oinarri hauek interpretatzerakoan zalantzarik sortzen bada, zalantza hori Euskara, Kultura eta Kirol Sailak argituko du.

Hamabosgarrena. Publizitatea

Deialdi hau ALHAOn argitaratuko da, eta ahaleginak egingo dira hedabideetan ahalik eta zabalkunde handiena izan dezan.

 <p>Arabako Foru Aldundia Diputación Foral de Álava</p> <p>www.araba.eus</p>	<p>Laguntza-eskaera, Arabako Lurralde Historikoko eta Trebiñuko Konderriko historia- eta arte-ondasunak zaintzeko eta/edo zaharberritzeko esku-hartzeak finantzatzeko</p> <p>2018</p> <p>Solicitud de ayudas para la financiación de intervenciones de conservación y/o restauración de Bienes Histórico-Artísticos del Territorio Histórico de Álava y Condado de Treviño</p>
	<p>Euskara, Kultura eta Kirol Saila</p> <p>Departamento de Euskera, Cultura y Deporte</p>

Eskaera zk. ■ N° Solicitud

Eskaera data ■ Fecha Solicitud

(Administrazioak betetzeko ■ A cumplir por la Administración)

ESKATZAILEA ■ SOLICITANTE ⁽¹⁾

Identifikazio agiria ■ Documento identificativo				Identifikazio zk. ■ N° identificativo		Sexua ■ Sexo		
<input type="checkbox"/> IKZ CIF	<input type="checkbox"/> NAN DNI	<input type="checkbox"/> AIZ NIE	<input type="checkbox"/> Besteren bat Otro			<input type="checkbox"/> Emakumea Mujer	<input type="checkbox"/> Gizona Hombre	
Izena edo sozietatearen izena ■ Nombre o razón social				Lehen abizena ■ Primer apellido		Bigarren abizena ■ Segundo apellido		
Helbidea (kalea) ■ Domicilio (calle)				Zk. ■ Núm.	Letra	Eskra. ■ Escal.	Solairua ■ Piso	Aldea ■ Mano
Herrialdea ■ País		Probintzia ■ Provincia		Udalerría ■ Municipio		Herría ■ Localidad		P. K. ■ C. P.
Telefona ■ Teléfono		Mugikorra ■ Móvil		Faxa ■ Fax		Posta elektronikoa ■ Correo electrónico		

JAKINARAZPENETARAKO HELBIDEA ■ DOMICILIO A EFECTOS DE NOTIFICACIÓN POSTAL ⁽²⁾
(Ez da bete behar eskatzailearen datuekin bat egiten badute ■ No rellenar si coincide con los datos de la persona solicitante)

Helbidea (kalea) ■ Domicilio (calle)				Zk. ■ Núm.	Letra	Eskra. ■ Escal.	Solairua ■ Piso	Aldea ■ Mano
Herrialdea ■ País		Probintzia ■ Provincia		Udalerría ■ Municipio		Herría ■ Localidad		P. K. ■ C. P.


LEGEZKO ORDEZKARIA ■ REPRESENTANTE LEGAL
(Pertsona juridikoentzat nahitaezkoa da ■ Obligatorio para las personas jurídicas)

Identifikazio agiria ■ Documento identificativo			Identifikazio zk. ■ N° identificativo		Sexua ■ Sexo	
<input type="checkbox"/> NAN DNI	<input type="checkbox"/> AIZ NIE	<input type="checkbox"/> Besteren bat Otro			<input type="checkbox"/> Emakumea Mujer	<input type="checkbox"/> Gizona Hombre
Izena ■ Nombre			Lehen abizena ■ Primer apellido		Bigarren abizena ■ Segundo apellido	
Protokolo zk. ■ N° protocolo			Data ■ Fecha		Notarioa ■ Notario	
Telefona ■ Teléfono		Mugikorra ■ Móvil		Faxa ■ Fax		Posta elektronikoa ■ Correo electrónico

FE: 18/0/06

Urartea , 4 01010 Vitoria-Gasteiz. Tel. +34 945 182 050. E-mail: restauraciones@araba.eus

Orria ■ Hoja 1/5

 <p>Arabako Foru Aldundia Diputación Foral de Álava www.araba.eus</p>	<p>Laguntza-eskaera, Arabako Lurralde Historikoko eta Trebiñuko Konderriko historia- eta arte-ondasunak zaintzeko eta/edo zaharberritzeko esku-hartzeak finantzatzeko 2018</p> <p>Solicitud de ayudas para la financiación de intervenciones de conservación y/o restauración de Bienes Histórico-Artísticos del Territorio Histórico de Álava y Condado de Treviño</p>
--	---

Euskara, Kultura
eta Kirol Saila


Departamento de Euskera,
Cultura y Deporte

BANKUEN DATUAK ■ DATOS BANCARIOS ⁽³⁾

(Banku helbideratzearen datuak aldatu badira bete soilik ■ Complimentar únicamente en el caso de modificación de los datos de la domiciliación bancaria)

BANKUA ■ BANCO													
IBAN											SWIFT		

(FINANTZA ENTITATEAK bete behar du) ■ (A rellenar por la ENTIDAD FINANCIERA)	(ESKATZAILEAK bete behar du) ■ (A rellenar por la persona SOLICITANTE)
<p>Finantza entitatearen adostasuna (sinadura eta zigilua) ■</p> <p>Conforme entidad financiera (firma y sello)</p> <p>.....(e)ko.....aren.....(e)an</p> <p>En....., a..... de..... de.....</p> <p>Finantza erakundeak ZIURTATZEN du lehen adierazitako banku kontua "ESKATZAILEA" atalean ageri den pertsona fisiko edo juridiko interesdunaren izenean eta IFZarekin dagoela irekita, eta pertsona interesdun hori kontuaren titular gisa ageri dela</p> <p>La entidad financiera CERTIFICA que la cuenta bancaria anteriormente señalada figura abierta al NIF y nombre de la persona física o jurídica interesada que figura en el apartado "SOLICITANTE", y que dicha persona interesada figura como titular de la cuenta.</p>	<p>Hirugarren interesdunaren sinadura edota entitatearen zigilua ■</p> <p>Firma de la persona interesada y/o sello de la entidad interesada</p> <p>.....(e)ko.....aren.....(e)an</p> <p>En....., a..... de..... de.....</p> <p>ADIERAZI BI AUKERETAKO BAT:</p> <p><input type="checkbox"/> Alta eskatzen da Arabako Foru Aldundiaren hirugarren moduan, ESKAERA HONI IFZ-REN FOTOKOPIA ERANTSITA</p> <p><input type="checkbox"/> Bankuko datuak eguneratzea eskatzen da, dagoeneko altan egonik Arabako Foru aldundiaren hirugarren moduan</p> <p>INDICAR UNA DE LAS DOS OPCIONES:</p> <p><input type="checkbox"/> Se solicita el alta como Tercero de la Diputación Foral de Álava, para lo cual <u>SE ADJUNTA FOTOCOPIA DEL NIF A LA PRESENTE SOLICITUD</u></p> <p><input type="checkbox"/> Se solicita la puesta al día de los datos bancarios como Tercero de la Diputación Foral de Álava ya dado de alta.</p>

 <p>Arabako Foru Aldundia Diputación Foral de Álava www.araba.eus</p>	<p>2018</p> <p>Laguntza-eskaera, Arabako Lurralde Historikoko eta Trebiñuko Konderriko historia- eta arte-ondasunak zaintzeko eta/edo zaharberritzeko esku-hartzeak finantzatzeko</p> <p>Solicitud de ayudas para la financiación de intervenciones de conservación y/o restauración de Bienes Histórico-Artísticos del Territorio Histórico de Álava y Condado de Treviño</p>
--	--

Euskara, Kultura
eta Kirol Saila

Departamento de Euskera,
Cultura y Deporte

HISTORIA ETA ARTE ONDASUNAREN KOKAPENA ETA ESKU HARTZEAREN AZALPENA
LOCALIZACIÓN DEL BIEN HISTÓRICO-ARTÍSTICO Y DESCRIPCIÓN DE LA INTERVENCIÓN

Ondasunaren izena ■ Denominación del bien

E-Referencia Catastral ■ Referencia catastral

Udalerría Municipio	Poligonoa Polígono	Etxadia Manzana	Lurzatia Parcela	Azpilurzatia Subparcela	Eraikina Edificio	UF UF
<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>

Helbidea (kalea) ■ Domicilio (calle)

<input type="text"/>	Zk. ■ Núm.	Letra	Eskra. ■ Escal.	Solairua ■ Piso	Aldea ■ Mano
<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>


Probintzia ■ Provincia

<input type="text"/>	Udalerría ■ Municipio	Herria ■ Localidad	P. K. ■ C. P.
<input type="text"/>	<input type="text"/>	<input type="text"/>	<input type="text"/>

Ekitza esku hartzearen azalpena ■ Descripción de la intervención

HISTORIA ETA ARTE ONDASUNAREN KATALOGAZIOA ■ CATALOGACIÓN DEL BIEN HISTÓRICO-ARTÍSTICO

<input type="checkbox"/>	Babesa udal mailan ■ Protección de nivel municipal		
<input type="checkbox"/>	Euskal Kultura Ondarearen Zentroak proposatuta Monumentu edo Monumento Multzo izateko Propuesto para Monumento ó Conjunto Monumental por el Centro del Patrimonio Cultural Vasco		
<input type="checkbox"/>	Ondasun Kultural Kalifikatua ■ Bien Cultural Calificado	EHAAREN zk. ■ N° del B.O.P.V.	EHAAREN eguna ■ Fecha del B.O.P.V.
<input type="checkbox"/>	Ondasun Kultural Inbentariatua ■ Bien Cultural Inventariado	EHAAREN zk. ■ N° del B.O.P.V.	EHAAREN eguna ■ Fecha del B.O.P.V.
<input type="checkbox"/>	Beste batzuk (Inbentarioak, Katalogoak, ...) ■ Otros (Inventarios, Catálogos, ...)		

 <p>Arabako Foru Aldundia Diputación Foral de Álava www.araba.eus</p>	<p>Laguntza-eskaera, Arabako Lurralde Historikoko eta Trebiñuko Konderriko historia- eta arte-ondasunak zaintzeko eta/edo zaharberritzeko esku-hartzeak finantzatzeko 2018</p> <p>Solicitud de ayudas para la financiación de intervenciones de conservación y/o restauración de Bienes Histórico-Artísticos del Territorio Histórico de Álava y Condado de Treviño</p>
--	---

Euskara, Kultura
eta Kirol Saila

Departamento de Euskera,
Cultura y Deporte

GASTUEN ETA DIRU-SARRERA NAGUSIEN BANAKETA:
DISTRIBUCIÓN DE LOS GASTOS E INGRESOS PRINCIPALES:

Gastuen eta diru-sarrera nagusien banaketa hau izango da: ■ La distribución de los gastos e ingresos principales son los siguientes:

GASTUAK-ESKU HARTZEAREN KOSTUAK
GASTOS-COSTE DE LA INTERVENCIÓN

Azterlan osagarriak Estudios complementarios	€
Esku hartzeko proiektu teknikoa Proyecto técnico de intervención	€
Segurtasun eta osasun koordinazioa Coordinación de Seguridad y Salud	€
Azkeneko memoria Memoria final	€
	€
GASTUAK GUZTIRA (*) TOTAL GASTOS	0,00 €
Kontzeptu guztietan BEZa barne hartzen da) (Todos los conceptos incluyen el IVA)	

SARRERAK-ESKU HARTZEAREN FINANTZAKETA
INGRESOS-FINANCIACIÓN DE LA INTERVENCIÓN

Bere baliabideak (Guztiratik 20% gutxienez) Recursos propios (mínimo 20% sobre el total)	€
Maileguak Préstamos	€
AFAko beste sailen diru-laguntzak (sailen arteko erabakia) Subvenciones de otros Departamentos de la DFA (Acuerdo interdepartamental)	€
Bestelako dirulaguntzak edo laguntzak Otras subvenciones o ayudas	€
Eskatutako dirulaguntza Subvención solicitada	€
SARRERAK GUZTIRA (*) TOTAL INGRESOS	0,00 €
(*) Guztizko biak berdinak izan behar dira (*) Ambos totales tienen que ser iguales	

(Tokia eta data ■ Lugar y fecha)

Eskatzailearen/Ordezkararen sinadura eta zigilua ■ Firma de la persona solicitante/representante y sello

 <p>Arabako Foru Aldundia Diputación Foral de Álava www.araba.eus</p>	<p>Laguntza-eskaera, Arabako Lurralde Historikoko eta Trebiñuko Konderriko historia- eta arte-ondasunak zaintzeko eta/edo zaharberritzeko esku-hartzeak finantzatzeko 2018</p> <p>Solicitud de ayudas para la financiación de intervenciones de conservación y/o restauración de Bienes Histórico-Artísticos del Territorio Histórico de Álava y Condado de Treviño</p>
--	---

Euskara, Kultura
eta Kirol Saila

Departamento de Euskera,
Cultura y Deporte

Oharra (1)

Izaera Pertsonaleko Datuak Babestari buruzko abenduaren 13ko 15/1999 Lege Organikoak xedatutakoa betez, jakinarazten dizugu zure datuak Aldundi honen fitxategietan jasoko direla. Fitxategi horiek Datuak Babesteko Euskal Agentziaren Erregistroan inskribatuta daude eta horren eskumeneko eginkizunak gauzatzeko egoki diren segurtasun neurriak dituzte. Datu horiek ez zaizkie beste pertsona batzuei jakinaraziko, legeak baimendutako kasuetan izan ezik. Datuen kontra egiteko, datuetan sartzeko, datuak zuzentzeko edo ezereztzeko eskubideak egikaritu ahal izango dituzu Arabako Foru Aldundiaren Erregistroaren Bulegoan (Probintzia plaza 5, P. K. 01001 Gasteiz, Araba).

Oharra (2)

Nahi baduzu administrazioak bide telematikoz bidal diezazkizun jakinarazpenak, alta eman beharko duzu Jakinarazpen Telematikoen Zerbitzuan eta, administrazioarekin harremanetan jartzeko, posta elektronikoa bakararen helbidea (EBH) lortu. Ondoren, zerbitzu horrek gaituta dituen prozeduretan harpidedun egin ahal izango zara. Jakinarazpenak bide telematikoz jasotzeari utzi nahi izanez gero, nahikoa izango duzu dagokion prozeduran baja ematea.

Oharra (3)

Zuk emandako banku datuak hirugarrenen eta interesdunen fitxategian erregistratuko dira, zeina Administrazio honen titularitatekoa baita, aurrekontu gauzatzeari eta aurrekontuz kanpoko gauzatzeari dagozkion eragiketen izapideak egiteko. Atal honetan emandako datuak ez dira tratatuko edo komunikatuko, baldin eta lehenago egindako ordainketen ondorioz, dagoeneko alta eman bazaie identifikazio eta banku datuei, berriro ere kobratzea hautatzeko eman direnei

Oharra (4)

Berdintasunaren arloko araudia betez, honako hau ADIERAZTEN DUT

LEHENENGOA.

Ez ordezkatzeko dudako elkarre edo erakundeak, ez elkarre edo erakunde horretako gobernu edo administrazio organoetako ezein kidek ez duela sexua dela eta inor baztertzeko, ez zuzenean ez zeharka, onarpen prozesuetan edo funtzionamenduan, otsailaren 18ko 4/2005 Legeak, emakumeen eta gizonen berdintasunerakoak, 24.2 artikuluan xedatutakoaren arabera.

BIGARRENA.

Ez ordezkatzeko dudako elkarre edo erakundeak, ez elkarre edo erakunde horretako gobernu edo administrazio organoetako ezein kidek ez duela zigorrik izan, ez arlo penalean ez administrazioan, sexua dela eta inor baztertzeko, eta/edo emakumeen eta gizonen berdintasun arloan xedatutakoak urratzeagatik, abuztuaren 4ko 5/2000 Legegintzako Errege Dekretuak, lan arloko arau hausteak eta zehapenei buruzko legearen testu bateratua onartzen duenak, ezarritakoaren arabera.

Nota (1)

En cumplimiento de la Ley Orgánica 15/1999, de 13 de diciembre, de Protección de Datos de Carácter Personal, le informamos de que sus datos se incluirán en ficheros de esta Diputación, inscritos en la Agencia Vasca de Protección de Datos y que cuentan con las medidas de seguridad adecuadas para la realización de funciones de su competencia. No serán comunicados a otras personas fuera de los supuestos habilitados legalmente. Podrá ejercitar los derechos de oposición, acceso, rectificación y cancelación en la Oficina de Registro de la Diputación Foral de Álava, Plaza de la Provincia, 5. C. P. 01001 VitoriaGasteiz (Álava).

Nota (2)

Si quiere que la Administración le remita las notificaciones por vía telemática, deberá darse de alta en el Servicio de Notificaciones Telemáticas y obtener una dirección de correo electrónico única (DEU) con la que comunicarse con la Administración, suscribiéndose, posteriormente, a los procedimientos que tengan habilitado este servicio, podrá dejar de recibir las notificaciones de forma telemática al dar de baja la suscripción al procedimiento correspondiente

Nota (3)

Los datos bancarios facilitados por usted se registrarán en el Fichero de Terceros e interesados titularidad de esta Administración para realizar la tramitación de operaciones de ejecución presupuestaria y extrapresupuestaria. No se tratarán ni comunicarán los datos cumplimentados en este apartado si como consecuencia de pagos realizados con anterioridad, ya estuvieran dados de alta los datos identificativos y bancarios por los que de nuevo se optara para el cobro.

Nota (4)

En cumplimiento de la normativa en materia de Igualdad DECLARO:

PRIMERO.

Que ni la asociación u organización a la que represento, ni persona alguna de las que forman parte de sus órganos de gobierno o administración, realizan actos de discriminación directa y/o indirecta por razón de sexo en los procesos de admisión o en el funcionamiento de conformidad con lo estipulado en el artículo 24.2 de la Ley 4/2005, de 18 de febrero, para la Igualdad de Mujeres y Hombres.

SEGUNDO .

Que ni la asociación u organización a la que represento, ni persona alguna de las que forman parte de sus órganos de gobierno o administración, han sido sancionadas penal y/o administrativamente por discriminación por razón de sexo y/o por infracciones en materia de igualdad entre mujeres y hombres derivadas del Texto Refundido de la Ley de Infracciones y Sanciones en el Orden Social, aprobado por Real Decreto Legislativo 5/2000, de 4 de agosto.